

玉姹金嬰圍繞簇玉蕊金蓮清骨日金光籠罩玉鱗龍玉泉澆  
灌金稜竹玉鋒鳴勝曲玉樓金殿金間玉玉金交玉爐金鼎焰  
迸青黃綠玉飯金漿非世祿玉兔金烏常性覆玉山玉海玉乾  
坤玉人玉性無淋漓玉蟾明匪燭玉樹蟠桃仙果熟玉京丹玉  
陽服了不被諸仙辱  
無限神光常圍簇瑞靄祥雲盈滿日青鸞赤鳳舞仙宮不投塵  
世棲凡竹性珠明九曲靜中鍊金并鍊玉做生涯坐觀浮世幾  
度黃河綠天女天男天衣祿仙語仙言仙稟覆謝天謝地謝神  
祇免教玉性拖泥漉聖真常照燭不虧功行丹漸熟透晴空太  
玄之外無寵還無辱

道藏輯要

雲光集

全

胃集九  
川文川

羽蓋霓旌滿空簇暗合朝元真數日逍遙自在樂真歡何須一  
派喧絲竹洞仙歌雅曲珮環時響清韻玉做奢華瓊漿玉醴不  
讓金杯綠宴罷高真重賜祿從此靈明無蓋覆迴嗟塵世謾貪  
饕皆將根本成波瀾不知昏性燭蓋因那邊光景孰怎超昇復  
投幽暗剗地遭凌辱

踏雲行

一得冲和重觀幽勝鳥飛兔走交相應化成天理任縱橫丹鑪  
萬道金光迸開度諸天祝邀真聖升騰發顯如如性福生無量  
見元初這回了了無修證

贈劉妙真化緣

普化行緣心清步穩通玄路上同參論丹誠修煉滅兇頑建成  
大福相資潤拔度昏迷點開心印十方父母皆巡問今生既得  
遇全真歸期自有神仙引

贈文登王志明

箇箇修真人人辨道玄機妙理須尋討時時常執寶瓶香朝朝  
每把心田掃步步清涼神光覆罩十方賢聖加恩報紫霞堆裏  
玉容光長春境界無衰老

登州閣一翁索

神氣沖和光明集聚三田上下流瓊素閑中時復飲刀圭金鉛  
玉汞攢然住女姹嬰嬌雲朋霞侶無生無滅乘空步教傳四海  
道藏輯要

雲光集

矣

胃集九  
川日川

奉全真功成有箇師來度

贈登州韓一翁

咫尺蓬萊三山相叩金波玉浪鳴哮吼翠光搖曳接穹蒼清風  
皓月籠星斗萬派銀蟾圓光並湊玲瓏七寶真祥鬪人還似此  
作修持玄元大道皆成就

詠鐵查山石芝

四海雲膏三山靈秀採芝須要忘形友充飢濟渴養瓊苗添神  
益算光明透鸞鳳翱翔虎龍戰鬪金獅玉象鳴哮吼已曾攜去  
獻高真人還服了無衰朽

贈道人